




Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 12 tetor 2022

Për: Z. Serhat Dinç, Drejtor Menxhues KESCO SH.A.
Nga: Z. Ymer Fejzullahu, Kryesues i Bordit të ZRRE-së



Nr. 447/22
Data. 14.10.22

Lënda: Njoftim lidhur me shkeljet e konstatuara për blerjet e energjisë elektrike, pagesat dhe nominimet nga KESCO SH.A.

I nderuari z. Dinç,

Zyra e Rregullatorit për Energji (ZRRE) ka përfunduar Raportin lidhur me blerjet e energjisë elektrike, pagesat dhe nominimet nga KESCO SH.A., të cilin janë prezantuar Bordit të ZRRE-së, në mbledhjen e mbajtur më datë 24.06.2022.

Bordi i ZRRE-së, pas shqyrtimit të Raportit dhe përgjigjeve të pranuar nga KESCO SH.A., ka nxjerrë Njoftimin lidhur me shkeljet e konstatuara në lidhje me blerjet e energjisë elektrike, pagesat dhe nominimet nga KESCO SH.A., dhe në pajtim me dispozitat e nenit 57 paragrafi 7 të Ligjit për Rregullatorin e Energjisë, ju njofton se mund të përgjigjeni me shkrim për shkeljet e gjetura, brenda katërmëdhjetë (14) ditësh nga pranimi i këtij Njoftimi.

Bashkëlidhur kësaj shkrese gjeni Njoftimin lidhur me shkeljet e konstatuara në lidhje me blerjet e energjisë elektrike, pagesat dhe nominimet nga KESCO SH.A.

Me respekt,


Ymer Fejzullahu,
Kryesues i Bordit të ZRRE-së





Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGIJË
REGULATORNI URED ZA ENERGIJU
ENERGY REGULATORY OFFICE



12 tetor 2022

Bordi i Zyrës së Rregullatorit për Energji në pajtueshmëri me dispozitat e Nenit 9, Nenin 16, Nenin 25, Nenin 55 par. 1, nënpar. 1.5, Nenin 56 par. 1 nënpar. 1.2, dhe Nenin 57 par. 7 të Ligjit për Rregullatorin e Energjisë Nr. 05/L-084, Nenin 31, Nenin 37 par. 5 dhe Nenin 62 par. 7 të Ligjit për Energjinë Elektrike Nr. 05/L-085, Nenin 9 të Procedurës për Tregtimin e Energjisë Elektrike, Nenin 11.1.9 të Rregullave të Tregut, Nenin 2.5.1.2 të Kodit të Balancit, Nenin 3, Nenin 4, Nenin 5, Nenin 7 dhe Nenin 8 dhe Nenin 9 par. 6 të Rregullës Nr. 06/2017 për Masat Administrative dhe Gjobat, Nenin 5 par 3, Nenin 10, Nenin 11, Nenin 13, Nenin 17 dhe Nenin 23 të Licencës për Furnizim me Energji Elektrike Nr. ZRRE/Tr_07/17 për „KESCO“ SH.A, ka shqyrtuar komentet e „KESCO“ SH.A., ndaj Raport i monitorimit në lidhje me blerjet e energjisë elektrike pagesat dhe nomimimet për furnizuesin me energji elektrike (KESCO), dhe në mbledhjen e mbajtur me **12 tetor 2022** ka nxjerr këtë:

NJOFTIM

Lidhur me shkeljet e konstatuara për blerjet e energjisë elektrike, pagesat dhe nomimimet Furnizuesi me energji elektrike (KESCO SH.A.)

Zyra e Rregullatorit për Energji (ZRRE) në përputhje me kompetencat e dhëna me Ligjin për Rregullatorin e Energjisë, ka bërë monitorimin në lidhje me blerjet e energjisë elektrike pagesat dhe nomimimet për furnizuesin me energji elektrike (KESCO).

Monitorimi ishte në mbledhjen, vlerësimin dhe analizimin e të dhënave dhe të pajtueshmërisë në të gjithë aspektet materiale, aktivitetet ekonomike dhe financiare, transaksionet dhe informacionet janë në përputhje ose jo me dispozitat ligjore dhe kornizën rregullative në fuqi.

Qëllimi ishte fokusuar në evidentimin e devijimeve nga parimet e ligjshmërisë, mbi:

- Faturimin dhe Pagesat ndërmjet të Licencuarve;
- Blerjet e importit nga FSHU (KESCO) dhe Procesin e shitjes se energjisë nga Importi për mbulim te humbjeve tek OSSH (KEDS), si dhe
- Devijimet në nominimin e energjisë së KESCO për FSHU dhe KEDS për humbje.

ZRRE, në kuadër të monitorimit në lidhje me blerjet e energjisë elektrike pagesat dhe nomimimet për furnizuesin me energji elektrike (KESCO) ka përgatitur një raport me të gjeturat të cilin ja ka prezantuar Bordit të ZRRE-së.

Bordi i ZRRE-së, në mbledhjen e mbajtur më datë 24.06.2022, ka shqyrtuar të gjeturat në Raportin e përgatitur nga ekspertët e ZRRE-së dhe më datë 24.06.2022, përmes dokumentit *Raporti i Monitorimit* në lidhje me blerjet e energjisë elektrike pagesat dhe nomimimet për operatorin e sistemit të shpërndarjes (KEDS) dhe furnizuesin me energji elektrike (KESCO), ka njoftuar palën lidhur me të gjeturat e monitorimit.

Poashtu, Bordi i ZRRE-së, bazuar në Nenin 7 par. 2 të Rregullës për Masat Administrative dhe Gjobat, ka kërkuar nga “KESCO” sh.a. që në afat prej 15 ditë kalendarike të ofroj përgjigjet me shkrim lidhur me të gjeturat në raport.



KESCO" sh.a., më datë 08.07.2022 ka dërguar Komentet në Raportet e Monitorimit për blerjet e energjisë elektrike pagesat dhe nomimimet për furnizuesin me energji elektrike (KESCO) të datës 24.06.2022, duke paraqitur përgjigjet në të gjeturat dhe konstatimet e evidentuara nga Raporti i Monitorimit të ZRRE-së.

Bordi i ZRRE-së, në mbledhjen e mbajtur me datë 12.10.2022 ka shqyrtuar përgjigjet/komentet e dërguara nga KESCO" sh.a., ndaj *Raporti i Monitorimit për* në lidhje me blerjet e energjisë elektrike pagesat dhe nomimimet për furnizuesin me energji elektrike (KESCO), dhe ka konstatuar si në vijim:

- **KESCO ka rrezikuar sigurinë e furnizimit me energji elektrike për konsumatorët e FSHU-së, dhënë me Vendimet për Vendosjen e Obligimit të Shërbimit Publik si Furnizues me Shërbim Universal ngarkuar KESCON;**
- **KESCO ka vepruar në kundërshtim me kushte të Licencës, ka bërë ndër-subvencionim/ndër-financim të llogarisë së konsumatorëve të parregulluar nga llogaria e konsumatorëve të rregulluar që gëzojnë të drejtën e shërbimit universal, që është në kundërshtim me Nenin 5 par. 3 të Licencës për furnizim me energji Elektrike dhe konsiderohet shkelje të Nenit 31 të Ligjit për Energji Elektrike;**
- **KESCO ka shkelur edhe obligimet ligjore të Nenit 37 par. 5 lidhur me Nenin 5 të Ligjit për Energjinë Elektrike, që ka të bëjë me obligimin e shërbimit publik të dhënë me vendimin e ZRRE-së, ku ndër tjera theksohet se: "Rregullatori siguron që kategoritë e ndryshme të konsumatorëve të mos përfitojnë nga i njëjti trajtim dhe mbrojtje, si dhe që rregullimi i çmimit të konsumatorit fundorë me të drejta të furnizimit si shërbim universal të jetë në dispozicion vetëm për të siguruar ofrimin e shërbimit universal për konsumatorë familjar dhe ata jofamiljar që gëzojnë këtë të drejtë";**
- **KESCO nga shtatori i vitit 2021 ka furnizuar Feroniklin, pa marrëveshje kontraktuale;**
- **KESCO, nominoi vetëm vëllimet e energjisë për aq sa KEK-u ishte në gjendje të prodhonte, dhe nuk pranoi përgjegjësinë që të mbuloj pjesën e mbetur të kërkesës përmes importit; dhe**
- **KESCO, nuk ka vepruar sipas Nenit 11.1.9 të Rregullave të Tregut, Nenit 2.5.1.2 të kodit të balancit.**

Andaj, bazuar në konstatimet e cekura më lartë, Bordi i ZRRE-së vlerëson se konstatimet e lartcekura janë bazë e mjaftueshme për aplikim e dispozitave ndëshkimore të përcaktuara me Nenit 57 paragrafi 2 nënparagrafet 2.8 dhe 2.14 të Ligjit për Rregullatorin e Energjisë, dhe Nenit 9 par. 1 nënpar. 1.8 dhe 1.14 të Rregullës për Masat Administrative dhe Gjrobat, si dhe dispozitave ligjore të cekura në hyrje të këtij njoftimi.

Bordi i ZRRE-së, në pajtim me dispozitat e nenit 57 paragrafi 7 të Ligjit për Rregullatorin për Energji, lëshon këtë **NJOFTIM**, me të cilin ju njofton se mund të përgjigjeni me shkrim për shkeljet e gjetura, brenda katërmëdhjetë (14) ditësh nga pranimi i këtij njoftimi.

Në emër të Bordit të ZRRE-së,


Ymer Fejzullahu

Kryesues i Bordit të ZRRE-së.

